

## Malu & Lilly, 4j.



### suechet zäme äs nöiis Daheime mit Freigang

Liebi Tierfründe

Gäu, mir sy zwöi Härzigi? Mir sy dr Malu u d'Lilly u uf dr Suechi nach eme nöiie Daheime. Warum? Mir hättet eifach so gärn Freigang, das geit abr bi üs daheime nid, viu zu gfährlech. Mir höcklet immr sehnsüchtig hingerm Fänschtr, u we's uf dr Baukon geit, denn hänget mir fascht im Netz dinne, wiu mir usse wönnt. Itze het üse Bsitzerin entschiede, dass mir üsen Freigang sölle bechoh. Drum!

Mir sy Gschwüschterti, 4jährig, «ächti» Burma-Ragdolls, kaschtriert, gimpft, chippet, gsung, schtuberein, sähr aahängelech, guet erzoge u ganz lieb. Üse Hobbies sy: Schpiue (mir liebe dr Laser-Pointr u Iichoufstasche), i dim Bettli pfluuse (ganz eng bi Dir) u nöii/baud: nach usse gah. Das sieht so schpannend us da dusse, unnerm Busch höckle u Blättli jage im Wind u Schmätterling fange u so. Mir gloube, mir würdet gar nid so wiit gah, im Garte u bi die Nachbare ummeluege u bi die Nachbare vo die Nachbare ... Mir sy nöigiinig abr ou vorsichtig u hänge sähr a üseri Mönsche u sy ou gärn bi ihne. Mir chenne u liebe Ching übr aues, e Familie wär mega. Hung dagege gar nid. E liebi Chatz wiederum chönnt gah, muess abr nid sy, mir sy ja zu zwöit, das gnüegt üs ou.

Mir sueche unbedingt zäme e Daheim bi liebi Lüüt mit viu Ziit u Luscht zum üs Verwöhne. Die wo üs chönntet Freigang ir verkehrberuhigte Umgäbig biete. Sähr sähr gärn e toue Familie, wo fascht immr öppr ume isch u Ziit het für es Schpiui. Was meinsch, chönntisch Du üs so öppis biete? Siit Dir e toue Familie odr arbeitsch Du Teilziit odr Homeoffice odr vo daheime us? Wohnsch Du verkehrsarm u hesch villiicht ou no en Garte? ÜSE Garte? U würdsch Du üs täglech bir Fäupfläg ungerschtütze (das mues haut ou sy)? Ja? Denn chönnt das üses nöie Daheime sy, denn müeset mir üs unbedingt lehre chenne. Mir wohne im Moment no z'Bern/BE, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöii Plätzli. Bsuechsch Du üs einisch? Mir fröie üs ganz fescht uf Di !

Dini Malu&Lilly



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

[kontakt@katze-sucht-mensch.ch](mailto:kontakt@katze-sucht-mensch.ch)